

مرند اۆيکو

Mərənd öykü



آنا محبتی

يازار: محمد قاضی

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

آنامحبّتى

محمد قاضى (م.سمندر)

چاراويماغين « قيرخ بولاق » كندينده بۇيوك بىر گۈل وار. ھەر ايل يازين اوللرينده مينلر كۇچرى اۋردك بو گۈلە گليب و پاييزين سون آيلارينا قدر بو گۈلون ماوى سولاريندا اوزوب و گزەرلر. بو اۋردكلرين آدينا « قاشقالداق » دئيه رلر. قاشقالداقلارين بدنلرى قارا، آيلنلارى آغ و آياقلارى قيرمىزىدير. دوغروداندا بو اۋردكلر چوخ گۈيچك و گۈزەلدير. كندين قىز – اوغلانلارى ياز و ياي گونلرينده بو اۋردكلرين تاماشاسينا دوروب و اونلارين تاماشاسيندان لذت آپارارلار. پاييز گلنده، او زامان كى چمنلرين رنگى ساراليب، گوللر سولوب و بولبوللرين خوش سسلرى باغلاردان كسيلر، «قاشقالداق»لار گۈلون قيراغينا ييغيشيب و آغير بىر فيكرە گندەرلر... كۈچ فيكرينه: نە چتين اولور آيرىلىق...

قيرخ بولاق گۈلوندن آيريلماق غصّه سى قاشقالداقلارين اورهيىنى سيخار، آيريلماغى اۋزلىرينه بويوك غم – كدر حساب ائدر و بو غم- كدردن حزين- حزين آغلایارلار. پاييزين سون گونلري ایدی. سولار ياواش- ياواش دونوردولار. گۈيدهكى دورنالار قاتار- قاتار بغداد ائللرينه كۈچوردولر. قاشقالداقلاردا مين حسرتله اۋزلىرىنى كۈچ اوچون حاضيرلايىرديلار. قاشقالداقلار سفره گنجە چيخارلار. آخشام قارانيقلاشاندا اۋردكلرين باشچيسى گۈيه قالخيب و يولا دوشمه يى تكليف ائتدى. « آرزى » آدلى بىر كۈرپه قاشقالداق اوزونو آناسينادوتوب دئدى: – آنا يول منى يوراجاقديرمى؟ – يوراجاقدير بالام. دئيه آنا جاواب وئردى. – آنا يول بيزى آياقدان سالاجاقديرمى؟- دئيه آرزى يئنه ده سوروشدو. – يول منيم گۈزه ل بالام! يول بيزى يورسادا آما ھنچ واخت آياقدان سالايىلمز. - دئيه آنا جاواب وئردى.

اۋردكلر گۈزلىرينده غم، اوزلىرينده سئوينچ قاناد چاليپ قارانيق گۈيلره يوكسلديلر. دوزدور كى اونلار اۋز سئومه لى گۈللىرىندن آيرىلىرديلار لاکن « كرکوک » شھرينده ايستى گۈللر، آل الوان گوللر و گۈي چمنلر اونلارى گۈزله ييرديلر. ھله بىر آز يول گئتميشديلر كى، آنا اۋردك اوزونو يولداشلارينا توتوب دئدى:

منيم آرزيم ھانى؟ سسى گلدير.

بيريسى جاواب وئردى:

– بيز اونو اوچماميشدان قاباق گۆردۈك. لاکين ايندى گۆزۈمۈزە ديمير. آنا هاميدان سوراقلاشدى.
آما آرزی يوخايدى. كيمسە سوراغىنى وئرمەدى، سانكى آرزی بير دامجى سو اولوب يئره
باتميشدى.

آنا دئدى:

– من قايديرام.

دئدیلر:

– گئتمە تاپا بيلمزسن...

آنا قايتتى، اؤردکلر اؤز يوللارينا داوام وئردیلر. آنا قاشقالداق گؤلونون يانينا گليب سسلە ندى:

– آرزی! بالام...

بير سس گلەمدى. يورولموشدو. بير داشين اوستونده اوتوردو. گئجه سكوتا دالميشدى چاققال-
لار اولويوردولار. آنا گؤلون هر طرفينه باش چکيب بالاسينى گزدى. آما آرزیدان بير خبر
چيخمادى. آنا سحرآچيلانا دك بالاسينى گزدى. آما اوندان بير نيشان تاپا بيلمەدى.

سحر آچيلاندا، آنا اوزونو داغا توتوب يئنە قيشقىردى:

– آرزيم... بالام...

– داغدان بير سس قويدو:

– ب...الا...ب...الا.

آنا داغا سارى اوچدو. داغدا ايسە بير نيشان يوخ ايدى. قيشين ايلک قارى ياغماغا
باشلاميشدى. گؤل سسسىزجه کؤكسونو گۆيدن دوشن قارلارين اوزونه آچيميشدى... کيمسە
گۆرونموردو. آنا يئنە دە بير قارا داش اوستونده اوتوروب بالاسينى سسلەدى. يئنە دە داغلار اونا
جاواب وئردى؛ گۆزلى ياشا دولدو اختيارسىز ايکى دامجى ياش ميروارى کيمى گۆزلىرىندن آخدى.
آنا سسسىزجه آغلاماغا باشلادى. بو زامان بير سارى دووشان اوردان كئچيردى. اؤردەپى آغلایا-
آغلایا گۆروب اونا ياخينلاشدى سالام وئريب سوروشدو:

– آنا، نييه آغلایيرسان؟

سن منيم آرزيمى گۆرمەدين؟- دئيه آنا سوروشدو.

– آنا ايتيرنى اختارمازلار. ايندى يولداشلارين اوزاقلاشار، سن تک قاليب هلاک اولارسان. دور
گۆيه چيخ، ايندى يولداشلارينين گۆزلىرى يولدادير.

– بالامى تاپماسام يولا دوشمەرم. من بالامى اختايرام.

– قار چوخ ياغيب، شاختا سنى قوروداجاق، دور آياغا يوخسا گئچ اولار.

من بالاسيز نئجه گئديم؟- دئيه آنا يئنە دە آرزىنى اختارماغا باشلادى. دووشان گۆردو کى آنا
گئتمير. اوزونو آنايا سارى توتوب دئدى:

– او داغین اتهینه بیر باخ!

آنا داغین اتهینه ساری اوچدو. بیر تولکو یاتمیشدی. آنانی گۆرچک دیک دوروب قاچدی. آنا یاخینلاشاندا آغ- آپاغ قارلارین اوستونده آرزینین قارا للکلی- خینالی آیاقلاری و قانلی ککیلینی گۆردو.